

- 1^r Man spüert wol jnn der alchemy
- 2^r Vnd jnn des wynes artzeny
- 3^r Was falsch / vnd bschisß vff erden sy



von falsch vnd bschisß

- 1 Betrüger sint / vnd fälscher vil
- 2 Die tōnen recht zūm narren schiff
- 3 Falsch lieb / falsch rott / falsch frünt / falsch gelt
- 4 Voll vntrüw ist yetz die gantz welt

r

2 schiff GW5046 GW5047] fpiel GW5041

5 Brüderlich lieb / ist blynd vnd dott
 6 Vff btrogenheyt eyn yeder gat
 7 Do mit er nütz hab on verlust
 8 Ob hundert joch verderben sust
 9 Keyn erberkeyt sicht man me an
 10 Man loßt es vber die selen gan
 11 Echt eyns dings möcht kumen ab
 12 Gott geb ob tusent sturben drab /
 13 Vor vß loßt man den wyn nüm bliben
 14 Groß falscheyt düt man mit jm triben
 15 Salpeter / schwebel / dottenbeyn
 16 Weydesch / senff / milch / vil krut vnreyn
 17 Stoßt man züm puncten jn das fasß
 18 Die schwangern frowen drincken das
 19 Das sie vor zyt genesen dick
 20 Vnd sehen eyn ellend anblick /
 21 Vil kranckheyt springen ouch dar vß
 22 Das mancher fert jns gernerhuß
 23 Man düt eyn lam rosß yetz beschlagen
 24 Das wol ghört vff den spitel wagen
 25 Das muß leren vff fyltzen stan
 26 Als solt es nachts zü metten gan
 27 So es von armüt hinckt vnd zält
 28 Müß es doch yetzt geltten syn gelt
 29 Do mit beschissen werd die welt
 30 Man hat kleyn mossen / vnd gewicht
 31 Die elen sint kurtz zü gericht
 32 Der koufflad muß gantz vinster syn
 33 Das man nit seh des tuches schin
 34 Die wile eyner düt sehen an

11 Echt *GW5046 GW5047*] Echt man *GW5041* 13 nüm *GW5041 GW5046*] nit *GW5047*

35 Was narren vff dem laden stan
 36 Gent sie der wogen eynen druck
 37 Das sie sich gen der erden buck /
 38 Vnd frogen eyns / wie vil man heysch
 39 Den tumen wigt man zů dem fleysch
 40 Man ert den weg yetz zů der furch
 41 Die alte müntz ist gantz har durch
 42 Vnd möcht nit lenger zyt beston
 43 Hett man jr nit eyn zůsatz gethon
 44 Die müntz die schwächert sich nit kleyn
 45 Falsch gelt / ist worden yetz gemeyn
 46 Vnd falscher ratt / falsch geystlicheyt
 47 Münch / priester / bågín / blotzbrüder treit
 48 Vil wólff gond yetz jnn scháffen kleidt
 49 Do mit ich nit vergeß hie by
 50 Den grossen bschisß der alchemy
 51 Die macht das sylber / golt / vff gan
 52 Das vor ist jnn das stäcklin gtan
 53 Sie goucklen / vnd verschlagen grob
 54 Sie lont eyn sehen vor eyn prob
 55 So würt dann bald eyn vncken druß
 56 Der guckuß manchen tribt von huß
 57 Der vor gar sanfft / vnd trucken saß
 58 Der stoßt sin gůt jnns affen glaß
 59 Biß ers zů buluer so verbrent
 60 Das er sich selber nit me kennt
 61 Vil hant also verderbet sich
 62 Gar wenig sint syn worden rich
 63 Dann Aristoteles der gycht
 64 Die gstatl der ding wandeln sich nicht

s2r

f ij

65 Vil fallen schwår jn dise sücht
 66 Den doch dar vß gat wenig frucht /
 67 Für golt man kupfer yetz zü rüst
 68 Müßdreck man vnder pfeffer myscht
 69 Man kan das beltzwerck alles verben
 70 Vnd düt es vff das schlechtest gerben
 71 Das es behelt gar wenig hor
 72 Wann mans kum treit eyn viertel jor
 73 Zysmüß die geben bysem vil
 74 Des gstanck man schmeckt eyn halbe myl
 75 Die fulen hering man vermyst
 76 Das man verkoufft sie gar für frysch
 77 All gassen sint fürkouffer vol
 78 Gremperwerck triben schmeckt gar wol
 79 Fyrn / vnd nüw / man vermånckeln kan
 80 Mit btrügñiß gat vmb yederman
 81 Keyn kouffmanschatz stat jnn sym werd
 82 Jeder mit falsch vertriben bgårt
 83 Das er syns kroms mög kumen ab
 84 Ob es Gall / vberbeyn / joch hab
 85 Sellig on zwifel ist der man
 86 Der sich vor falsch yetz hüten kan
 87 Das kynd syn eltern btrügt vnd mog
 88 Der vatter hat keynr syppschaft frog
 89 Der wyrte den gast / der gast den wyrte
 90 Falsch / vntrüw / bschyß würt gantz gespürt
 91 Das ist dem endkryst güt fürlouff
 92 Der würt jnn falsch dún / all syn kouff
 93 Dann was er gdenckt / heißt / düt / vnd lert
 94 Würt nüt dann falsch / vntrüw / verkert

72 viertel GW5046 GW5047] veirtel GW5041 79 vermånckeln GW5041 GW5046] vermånck-
 len GW5047